

Nuuk 25. april 2024

Inatsisartut suleriaasianni § 37 imm. 1 najoqqutaralugu Naalackersuisunut imaattumik apeqquteqarpunga:

**Apeqqut:**

- 1) Nunatsinni takornarissanit piniartitsisartut assersuutigalugu umimmannik tutunillu ataatsimut katillugit qassiuppat?
- 2) Uumasut pisassat killeqartarmata suna pissutaava nuna allamiut takornarissanik piniartitsisariaqartarnerannut?
- 3) Naalackersuisut eqqarsaatersuuteqarpat piniartitsisartut kalaalinnanngortinneqarnissaannik?
- 4) Sooq nunaqavissoq Kalaaleq nunamini piniartitsisartoq takornarissanillu sullissisoq nunami nammineq perorfimmini nunamik allamiumik piniartitsisartumik peeqquneqassagami nunami erligussaalluni?
- 5) Pissutsit tamakku aqqinniarlugit Naalackersuisut qanoq eqqarsarpat? 6)
- 6) Piniartitsisartut nunatta avataaneersut akuersissutaarullugit mattunniarpisigit?

(Inatsisartunut ilaasorta q Hans Enoksen Naleraq)

**Tungavilersuut:**

Kalaallit piniartitsisartut takornarissanik qanoq naalackersuisut eqqarsaatersuuteqarfigineraat nunaminni piniartitsisartutut illersugaanissaat anguniarlugu paaserusunnarpoq. Tassami aamma piniartitsisarfiit nunami allamiunut kalaaliunngitsunut tunniussuunneqartarput. Tamassumalu kingunerisarpaa nunaqavissoq kalaaleq piniartitsisartoq piniartitsinermini peeqquneqartarsimalluni namminerooq piniartitsisarfik tamanna tamakkiisumik akuersissutaateqarfigigamiuk.

Taamatut kalaaleq nunamini inunngorfimmini inuussutissarsiutiminik ingerlatsisoq oqarfigineqartarsimavoq peeqqullugu tamanna tamaat namminneq akuersissutaateqarfiginerarlugu. Periarfissat taamak killeqartigippata Naalackersuisut sukateriniarpaat piniartitsisartut kalaalinnanngortinneqarnissaannut.

Ullut suliffiusut qulit qaangiutsinnagit akineqarnissarput kissaatigaarput.